

## CONVOCATORIA PA LA CESIÓN DE BALDRE D'ESPACIOS A PROMOTORES PA LA ORGANIZACIÓN Y DESENVOLVIMIENTU D'ACTIVIDADES DIDÁCTIQUES Y LÚDIQUES AL SO RIESGU Y VENTURA EN DELLOS EQUIPAMIENTOS DEL PRINCIPÁU D'ASTURIES

### EL PROYECTU.

La Sociedá Pública de Xestión y Promoción Turística y Cultural del Principáu d'Asturies (d'equí p'arriba la SPXP), amás de tener encomendada la xestión de dellos equipamientos culturales, turísticos y deportivos de la rexón, tien ente los sos fines la prestación de tou tipu de servicios pa la promoción del sector y actividaes turístiques y culturales del Principáu d'Asturies.

Estos equipamientos, amás d'ufiertar una programación recurrente, promueven un programa d'actividaes especiales coles mires d'atrayer públicu nuevo y ufiertar actividaes novedoses al públicu recurrente.

La SPXP propón esta convocatoria d'actividaes didáctiques y lúdiques con un doble oxetivu: d'una parte, dar a conocer el trabayu de profesionales de distintos ámbitos como la ciencia, la historia, la lliteratura, les tecnoloxíes nueves, l'arte, el deporte, la salú, etc. y d'otra, averar lo mesmo a los ciudadanos asturianos qu'habiten na redolada d'estes sedes qu'a los turistes una programación d'actividaes didáctiques y lúdiques de calidá dirixíes a públicu de toles edaes.

La programación que se seleccione va complementar les actividaes recurrentes que se desenvuelven dende los equipamientos xestionaos pola SPXP y la programación de les actividaes especiales qu'acueyen.

Pa cumplir esti oxetivu, diseñase esta convocatoria cola que van seleccionase delles actividaes de tipoloxíes estremaes promovíes por profesionales de dellos ámbitos que tengan interés na cesión a títulu gratuitu de dalgún de los espacios que s'indiquen de siguío:

- Muséu del Xurásicu d'Asturies (Colunga)
- Parque de la Prehistoria de Teberga (Teberga)
- Centru d'Arte Rupestre de Tito Bustillo (Ribeseya)
- La Cuevona d'Ardines (Ribeseya)
- Centru del Prerrománicu Asturianu (Uviéu)
- Muséu Etnográficu de Grandas de Salime (Grandas de Salime)
- Estación d'Esquí Fontes d'Iviernu (Ayer)

### 1.- OXETU DE LA CONVOCATORIA.

L'oxetu d'esta convocatoria ye la selección de dellos proyectos pa la posterior programación de distintes actividaes didáctiques y lúdiques que van realizase nes distintes sedes onde la SPXP desenvuelva la so actividá cultural.

Con esta iniciativa quier complementase les programaciones habituales de los equipamientos culturales, turísticos o deportivos xestionaos pola SPXP a partir de la contratación de delles actividaes que se van incluyir na programación anual, amás d'atender posibles necesidaes que puedan surdir nel marcu de la organización d'actividaes especiales.

Con esta convocatoria establécense les bases y requisitos que van rexila, amás del procedimientu pa la selecció de les actividaes o propuestes que van integrar esta llista con respetu a los principios de publicidá, llibre concurrencia y oxetividá.

## 2.- PUBLICACIÓN Y PUBLICIDÁ.

Esta convocatoria y bases, amás de la resolución del procedimientu, van publicase na páxina web d'Asturies Cultura en Rede: [asturiesculturaenrede.es](http://asturiesculturaenrede.es) ensin perxuiciu de los medios complementarios de difusión que la SPXP valore utilizar.

## 3.- SOLICITANTES.

Van poder participar nesta convocatoria les persones físiques o xurídiques qu'axunten estos requisitos:

- Desenvolver la so actividá principal nel ámbitu de la investigación o programación d'actividaes culturales, didáctiques, educatives y artístiques.
- Tar al corriente de les sos obligaciones tributaries col Estáu y cola Comunidá Autónoma del Principáu d'Asturies, lo mesmo que de les obligaciones cola Seguridá Social.
- Tolos interesaos tienen que tar daos d'alta na Seguridá Social y nel epígrafe correspondiente del Impuestu d'Actividaes Económiques y acreitar la solvencia técnica riquida primero de qu'empiecen les actividaes nel casu de que'l proyectu resulte escoyíu.

## 4.- CARACTERÍSTIQUES DE LOS PROYECTOS QUE PUEDEN CONCURRIR A ESTA CONVOCATORIA.

Les característiques qu'han axuntar les propuestes son estes:

Inclúyense nesta convocatoria actividaes a riesgu y ventura del promotor o organizador onde les sedes ceden los sos espacios pal desenvolvimientu de les memes, ensin contraprestación económica dala pela parte de la SPXP.

El proveedor ha detallar na propuesta los precios que quier aplicar marcando a lo menos una entrada xeneral y otra reducida pa los socios del Club Cultura Asturias.

La empresa va poder usar el so propiu sistema de venta d'entraes. Sicasí, la SPXP va poder poner la so plataforma y sistema de venta d'entraes previu pidimientu del promotor si fore del so interés, teniendo que, nesí casu, asumir les comisiones y gastos que se xeneren.

La SPXP comprométese a facer, al traviés de toles sos canales, la difusión de l'actividá. Tolos materiales y medios técnicos precisos va ponelos el contratáu.

La cesión del espaciu va facese namás a lo llargo del tiempu de montaxe, desmontaxe y realización de l'actividá.

Les característiques específiques de les actividaes que se pueden desenvolver por sede recuéyense de siguío:

## Centru del Prerrománicu Asturianu

La temática de los talleres del Centru xira alreduro de la historia, la Edá Media, l'arte, l'arte prerrománicu, la música nel medievu, l'arquitectura, la pintura, etc.

Nel Centru avencen a facese talleres a riesgu pa grupos d'escolinos, actividaes especiales y otros talleres más especializaos:

### **1. Talleres escolares:**

Nel Centru del Prerrománicu ufiértense dos modalidaes de talleres a riesgu:

1.1.1. Aquellos que se desenvuelven nel propiu Centru del Prerrománicu Asturianu:

**Dirixíu a:** tolos ciclos dende Infantil (a partir de 5 años) y Primaria hasta Secundaria (adaptando la dificultá y temática a cada grupu d'edá).

**Duración:** 45 minutos.

**Preciu:** máximu 3 €/participante.

**Participantes:** máximu, 25-30 persones por grupu/horariu.

1.1.2. Aquellos que se desenvuelven nel propiu centru escolar / educativu o que combinen una actividá nel centru escolar que tien continuidá nel centru educativu.

**Dirixíu a:** tolos ciclos educativos a partir de 1.<sup>u</sup> de primaria.

**Duración:** 60 minutos.

**Participantes:** máximu 25 persones por aula. Cada grupu divídese en dos, atendíos de manera simultánea.

**Preciu:** máximu 75 €/sesión.

\* El Centru dispón de material en propiedá pal desenvolvimientu de los talleres d'arquitectura y rexistru baxo la marca LUPO.

- dos xuegos de LUPO PLOT (pa trabayu a escala pequeña).
- cuatro caxes de LUPO pa construcción a gran escala (dos de poliespán y dos d'espluma).

## 2. Actividaes recurrentes dirixíes a públicu infantil y familiar:

- Dirixíu a: públicu infantil y familiar.
- Tarifas: máximu 12 €.
- Duración: una hora.
- Places disponibles: 15/20 interior - 25/30 exterior.

## 3. Talleres especializaos:

Dirixíos a públicu adulto o mayores de 14 años. La duración va poder ser d'una xornada completa (mañana y tarde) o dos medies xornaes (ente 6 y 8 hores).

Temática: caligrafía, técniques artístiques, cueru, manufactures medievals: filáu, trabayu en fieltro, cestería, cerámica, música, novela histórica, etc.

- Tarifas: máximu 75 €.
- Places disponibles: ente 12 y 15. Hasta un máximu de 20.

## Muséu del Xurásicu d'Asturies

La temática de los talleres del muséu xira alreduro de la xeoloxía, la paleontoloxía, la ciencia, la naturaleza y los dinosaurios, polo que cualquier actividá va tener que tar enfocada o rellacionada con esta temática o cola celebración de feches señalaes como'l Día de la Danza, del Teatru, del Yoga, etc.

Nel Muséu avencen a facer talleres a riesgu pola mor de:

### 1. Actividaes recurrentes dirixíes a públicu infantil, familiar o adulto:

- 1.1. Periodos vacacionales como Selmana Santa, Ponte del 1 de payares, Ponte de la Constitución, Ponte del Pilar, díes concretos de branu, etc.
- 1.2. Actividaes especiales en momentos concretos como pueden ser la Selmana de la Ciencia, el Día internacional de la Muyer y la Neña na Ciencia, el Día de La Tierra, el Día del Mediu Ambiente, etc.

Condiciones:

- Dirixíos a públicu principalmente infantil y familiar, pudiendo ufiertase dalguna actividá empobinada al públicu adulto.
- Tarifas: Los talleres habituales tienen un preciu por persona de 3 €, xeneral, o 2,50 €, reducida. Sicasí, va poder proponese otru preciu.

- Duración: ente 30-60 minutos.
  - Sesiones: ente 1 y 6 al día, a tenor de la programación
  - Places disponibles: 15/20 interior - 25/30 exterior.
2. Talleres o visites especializaes:
- 2.1. Visites a xacimientos, principalmente al xacimientu de la playa de La Griega en díes concretos pa públicu xeneral o con públicu escolar.
- 2.2. Talleres más específicos dirixíos a públicu adulto o con neños mayores de 11 años sobre ciencia, como podríen ser herbarios, taller d'aniellamientu de páxaros, de caparines, astronomía etc., nes más de les veces empobinaos al públicu adulto.

#### Condiciones:

- Dirixíos a: públicu escolar, adultu y familiar
  - Temática: ciencia en xeneral (amás de dinosaurios, pueden presentase otru tipu de talleres como, por exemplu, sobre aves, caparines, botánica, astronomía, ilustración, etc.)
  - Tarifas: a tenor de l'actividá. Aconséyase que los precios por persona nun superen los 10 €.
  - Duración: a tenor de l'actividá. Aconséyase que les actividaes nun pasen de la hora o dos hores, sacante que se trate de seminarios.
  - Sesiones: ente 1 y 6 al día, a tenor de l'actividá y de la programación
  - Places disponibles:
    - ente 15 y 20 pa públicu individual.
    - 25 máximu pa grupos escolares.
3. **Cumpleaños.** El MUXA ufierta la posibilidá de celebrar un cumpleaños xurásicu. El cumpleaños consiste nuna visita guiada, la realización d'un taller didácticu nel Muséu y una merienda nel Café del MUXA.

#### 3.1. Xestión y reserves de los cumpleaños.

El Muséu va xestionar la reserva de los cumpleaños y va comunicala a la empresa con un adelantu mínimu d'una selmana. La empresa va encargase de facer les invitaciones y de zarrar tolos detalles colos organizadores del cumpleaños.

El veceru va poder cancelar el cumpleaños con un adelantu mínimu de 72 hores ensin qu'eso suponga un costu pa nenguna de les partes.

#### 3.2. Participantes y duración

El mínimu de participantes nos cumpleaños ye de 10 neños/neñes y el máximu de 30. Si'l númberu de participantes fore inferior, va poder facese'l cumpleaños siempre que'l organizador del mesmu pague'l mínimu de places que s'esixe.

El cumpleaños tien una duración estimada de dos hores. Con calter xeneral, van ufiertase los fines de selmana. Van poder zarrase otres feches por alcuertu ente'l Muséu, la empresa y los organizadores.

L'horariu p'acabar el cumpleaños va depender del de zarru del Muséu y cafetería. Fuera d'esi horariu, pue proponese aumentalu a 3 hores siempre que les demás actividaes se faigan nos esteriore del Muséu.

Condiciones:

- Nun s'establez una tarifa máxima porque depende del serviciu que se proponga. De toles maneres, aconséyase que nun supere'l costu de 28 euros por participante por razones comerciales.
- Siempre que s'incluya la cafetería como espaciu pal almuerzu o merienda va ser menester disponer de los servicios qu'ufierte l'axudicatariu d'esti serviciu.

## **CAR Tito Bustillo**

La temática del CAR Tito Bustillo xira alredu de la prehistoria. El Centru dispón d'espacios singulares (soportales, sala de talleres, sala polivalente, La Cueva d'Ardines, etc.) que pueden acoyer delles actividaes:

1. Campamentos de branu prehistóricos. Dirixíos al públicu infantil que reside o brania en Ribeseya o na contorna.

PERIODU: pel branu (xunetu y agostu), n'horariu de mañana o/y tarde.

2. Usu de La Cueva o sala polivalente.

Estos dos espacios son sitios onde se pueden programar espectáculos culturales, como teatru, conciertos, proyecciones de cine, etc.

### 2.1 CARACTERÍSTIQUES:

2.1.1. LA CUEVONA D'ARDINES: ye una cúpula xeolóxica inmensa que forma parte del sistema de galerías de La Moría d'Ardines. Destaca la sala principal, onde'l techu llega a los 40 m d'altor y afurácalu una abertura natural que dexa'l pasu de la lluz diurno. P'acceder ye menester xubir 300 escalones.

- L'aforu d'esti espaciu ye de 100 persones
- Habilítase un espaciu de tarima y 100 sielles plegables móviles
- Tien toma de corriente, pero nun hai toma de medios o cobertura

2.1.2. SALA POLIVALENTE: allugada na primer planta del Centru d'Arte Rupestre Tito Bustillo.

- L'aforu de la sala ye de 70 persones (en siella), 100 en mou cóctel.

- Dispón de pantalla de cine, proyector, toma de datos, microfonía.

## 2.2 CONDICIONES DE CESIÓN

- La cesión de dambos espacios (ensin costu adicional) va ser:
  - La Cueva d'Ardines: de miércoles a domingu, de 10:00 h a 17:00 h
  - Sala polivalente: n'horariu d'apertura del Centru d'Arte. (consultar los horarios anuales del 2023)
- Podría facese la cesión del espaciu fuera d'estos periodos y horarios, pero implicaría un costu de personal.

### Condiciones:

- Pola diversidá de proyectos que se pueden proponer nos espacios disponibles, nun s'establez un preciu máximu a tener en cuenta.
- Actividaes dirixies a toa clas de públicu. Van poder facese cursos, campeonatos, conciertos, actividaes especiales o xornaes más específiques pa públicu adulto.
- Feches y horarios a comenencia de les dos partes.
- Nel casu de nun llegar a un mínimu de participantes en preventa, va poder cancelase'l día enantes o'l mesmu día de l'actividá a primer hora p'aforrar el desplazamientu a la empresa si nun hubiere públicu.

## Parque de la Prehistoria de Teberga

La temática del Parque de la Prehistoria de Teberga ye principalmente la prehistoria y l'arte del Paleolíticu superior n'Europa. L'allugamientu del parque y la zona verde amplia que lu arrodiya aumenta la posibilidá d'entamar actividaes tematizaes: animales, horru, itinerariu de flora y fauna. Ente les actividaes que podría acoyer a riesgu pa quien les fai:

- **Nueches prehistóriques o temátiques:** una actividá nocherniega o al atapecer qu'incluya dalguna clas d'animación con teatru, histories, cuntacuentos, xuegos rellacionaos cola prehistoria, yincana. etc. Podría incluyir tamién cena / espicha.
- **Inmersiones prehistóriques:** una actividá pa experimentar cómo se vivía na prehistoria practicando les sos actividaes cotidianes y usando les ferramientes más habituales, recoyendo alimentu o tentando de facer fueu col que tornar el fríu. Pue completase con teatru, histories, cuntacuentos, etc.
- **Prehistocampamentos:** campamentos temáticos basaos na arqueoloxía esperimental con actividaes nel parque sobre caza, pesca, recoyida, obtención de

fueu o pintura..., incluyendo tamién visites a otros recursos de la contorna como pue ser el Monumentu Natural de Cuevagüerta, senderismu o xuegos deportivos.

- **Talleres** especializaos sobre la temática del parque, estremaos de los que se desenvuelven nesti equipamientu de manera recurrente o ciclu de talleres (Talleres de branu).

#### Condiciones:

- Pola diversidá de proyectos que se pueden proponer nos espacios disponibles, nun s'establez un preciu máximu a tener en cuenta.
- Actividaes dirixíes a toa clas de públicu. Van poder facese cursos, campeonatos o xornaes más específiques pa públicu adultu.
- Van programase na temporada del branu principalmente.
- Feches y horarios a comenencia de les dos partes.
- El parque empresta materiales disponibles pa facer talleres, como pueden ser caxones d'escavación con ruedes o dianes pa práctiques de tiru y otra clas de materiales p'atrezzo, como pieles, craniums, etc.
- Nel casu de nun llegar a un mínimu de participantes en preventa, va poder cancelase'l día enantes o'l mesmu día de l'actividá a primer hora p'aforrar el desplazamientu a la empresa si nun hubiere públicu.

Los interesaos van poder visitar los equipamientos pa conocer la dotación de les sales o espacios propuestos previa solicitú nel corréu [promocioncultura@turismoycultura.asturias.es](mailto:promocioncultura@turismoycultura.asturias.es).

**TEMPORALIDÁ Y FECHES:** Les actividaes van programase dende'l 1 de xineru hasta'l 31 d'avientu del 2022.

**DERECHOS D'EXHIBICIÓN:** El profesional o entidá ha cuntar colos derechos de propiedá intelectual pa exhibir o mostrar el proyectu que proponga.

## 5.- PRESENTACIÓN DE SOLICITÚES.

### a) DOCUMENTACIÓN A PRESENTAR.



- Impresu de solicitú col detalle del proyectu pal que se formula'l pidimientu de cesión del espaciu, qu'ha incluyir un cronograma de cada actividá, una propuesta d'usu del espaciu y el presupuestu de gastos y financiación prevista, d'aluerdu col modelu establecíu nel ANEXU I.
- Declaración responsable d'aluerdu col modelu establecíu nel ANEXU II.
- Currículum del profesional o la entidá que presenta'l proyectu
- Fotografía/es ilustrativa/es del proyectu y enllaz a videu si paez necesario.

## **b) SITIU Y FORMA DE PRESENTACIÓN.**

Les solicitúes han unviase per corréu electrónicu a la direcció [promocioncultura@turismoycultura.asturias.es](mailto:promocioncultura@turismoycultura.asturias.es) nun únicu archivu PDF, archivu comprimíu tipu ZIP o RAR o enllaz de descarga tipu WeTransfer.

El títulu del asuntu ha ser “Convocatoria pa la cesión de baldre d'espacios” y de siguió'l nome de la empresa solicitante. A toles solicitúes recibíes en plazu van manda-yos un acuse de recibu nun plazu máximu de 24 hores desque se reciba la documentación. Si nun fore asina, el solicitante ha ponese en contactu cola Sociedá p'alcordar ente dambes partes la manera d'unviar el proyectu pa la so valoración.

La hora y fecha tope de presentación de les solicitúes van ser les 14:00 h del día 7 de payares del 2022.

## **6. VALORACIÓN DE LOS PROYECTOS Y CREACIÓN DE LA CARTERA D'ACTIVIDADES.**

La Comisión de Valoración va tar integrada por:

- Marta Molleda Muñoz, Muséu del Xurásicu d'Asturies.
- Elena Molina Barra, Centru d'Arte Rupestre Tito Bustillo.
- Clara García, Centru del Prerrománicu.
- Verónica Ruiz Gutierrez, Llaboral Ciudá de la Cultura.
- Paulina Toporowicz, Parque de la Prehistoria de Teberga.
- Susana Hevia, Muséu Etnográficu de Grandas de Salime Pepe el Ferreiro.
- Francisco López Prado, Área de Coordinación d'Equipamientos de la SPXP.

La Comisión va poder solicitar de los interesaos cuantes aclaraciones, información o documentación complementario necesario pa la valoración correcta de los proyectos.

La resolución va facese y va comunicase a los interesaos enantes del **30 de payares de 2022** y va publicase na web d'Asturies Cultura en Rede: [asturiesculturaenrede.es](http://asturiesculturaenrede.es).

**Criterios de valoración.** La Comisión de Valoración va poder proponer la esclusión d'aquelles solicitúes que nun cumplan colos requisitos de participación y va calificar les propuestas de representación presentaes como “Escoyíu” o “Non escoyíu”, valorando la so adecuación a los siguientes criterios:

**1. Interés cultural, científicu y/o artísticu del proyectu.**

Van valorase la calidá, orixinalidá, calter novedosu y repercusión pública del proyectu y la busca de variedá de públicos.

Va tenese en consideración el grau d'elaboración, detalle y concreción de la propuesta, amás de la so proyección.

Va valorase l'adecuación de les propuestas a los conteníos específicos y, si ye'l casu, a les colecciones de los equipamientos.

**2. Trayectoria, esperiencia y formación de los artistes y profesionales.**

Va valorase la esperiencia y trayectoria de los profesionales y entidaes nel desenvolvimientu d'actividades didáctiques y lúdiques n'equipamientos culturales, amás de la so formación en disciplines rellacionaes col oxetu del proyectu.

**3. Viabilidá téunica, económica, rigor presupuestariu y sostenibilidá del proyectu.**

Va ser oxetu de valoración l'adecuación del presupuestu al númberu de profesionales implicaos, los medios téunicos que s'apurran o los materiales que s'usen.

**4. Adaptación de los proyectos a la temática de los equipamientos culturales oxetu de la convocatoria:**

Van valorase los proyectos que s'adapten al conteníu d'estos equipamientos:

**Muséu del Xurásicu d'Asturies:** actividaes sobre xeoloxía, ciencia, naturaleza, paleontoloxía y el mundu de los dinosaurios o los reptiles en xeneral.

- Dalgunos exemplos de feches especiales que se celebren nel MUXA son estos: Día de la Muyer y la Neña na Ciencia, Antroxu, Día de la Llingua Materna, Día de la Marioneta, Día de la Tierra, Selmana Santa y pontes, Día de los Museos,

Selmana de la Ciencia y otres actividaes culturales pa celebrar el Día de la Danza, del Teatru, del Yoga, etc.

**Centru d'Arte Rupestre Tito Bustillo:** actividaes sobre arqueoloxía, Prehistoria, cueves, arte, pintura, música, formes de vida de la Prehistoria y otres disciplines rellacionaes cola Prehistoria o l'entornu natural y social onde s'alluga'l Car Tito Bustillo.

- Dalgunes feches especiales que se celebren nel CAR son estes: Día de la Muyer, Día de la Llingua Materna, Selmana Santa y pontes, Día de los Museos, Día del Mediu Ambiente, Día Européu del Arte Rupestre, Concursu Escolar “En busca del cuentu perdíu”, Día del Patrimoniu Mundial, Día Internacional de los Sitios y Monumentos.

**Parque de la Prehistoria de Teberga:** actividaes sobre arqueoloxía, Prehistoria, cueves, arte, pintura, música y otres disciplines rellacionaes cola Prehistoria. Tamién pueden tratar sobre naturaleza, etnografía, animales lligaos a los zarros, horros y paisaxe del parque.

- Les feches especiales qu'aveza conmemorar el parque son: Día de la Muyer, Día del Llibru, Selmana de les Lletres, Día de los Animales, Día de la Naturaleza, Día del Mediu Ambiente, Antroxu, Día de la Llingua Materna, Selmana Santa y pontes, Día de los Museos o'l Día Européu del Arte Rupestre.

**Centru del Prerrománicu Asturianu:** actividaes sobre historia, historia del arte, Edá Media y les sos formes de vida, arquitectura, Camín de Santiago, monarquía asturiana, música medieval, técniques artístiques, orfebrería, cocina, caligrafía, cantería, xeoloxía, entornu natural y etnográfico (horros de la contorna) o toponimia del Naranco, etc.

- Estes son dalgunes de les feches especiales que se celebren nel centru: Día de la Muyer, Antroxu, Día de la Llingua Materna, Día Internacional de los Sitios y Monumentos, Día de los Museos, Día del Mediu Ambiente, Día del Patrimoniu Mundial o un Campamentu Altomedieval (delles actividaes a lo llargo de 3 díes sobre la vida civil y militar na Edá Media qu'han incluyir alcuentros, talleres, demostraciones en vivo).

**Muséu Etnográfico de Grandas de Salime Pepe el Ferreiro:** actividaes sobre etnografía, antropoloxía, arquitectura tradicional, vida cotidiana campesina, llabores tradicionales (cestería, telar, trabayos rellacionaos cola madera...), Camín Primitivu de Santiago, cocina, música y festividaes tradicionales de la contornada...

- Dalgunes feches especiales que se celebren nel Muséu Etnográfico de Grandas de Salime Pepe el Ferreiro son estes: Selmana Santa, Día de los Museos, Día Internacional de les Muyeres Rurales, xornaes temátiques...

Va considerase una temática rellacionada colos conteníos del muséu la qu'incluya actividaes del tipu: fechura de veles, taller d'embutíu, llabores tradicionales (cestería, telar, filáu, forxa, carpintería...), gastronomía tradicional de la zona

(elaboración de pan, frixuelos, mantegaes...), xuegos tradicionales, arquitectura, sistemes d'almacenamientu (horru, panera, cabazu), la escuela, música tradicional... Tamién xornaes temátiques sobre matanza, vinu, mayega, trabayos específicos, percorríos musicales o cursos especializaos sobre dalguna de les temátiques propuestes, principalmente, llabores tradicionales, a desenvolver en dellos díes.

#### **5. Proyectos que tengan en cuenta la perspectiva de xéneru y l'accesibilidá.**

Van tener una consideranza especial les propuestes que fomenten la igualdá y la diversidá, qu'usen un llinguaxe inclusivu, que promuevan una mayor visibilidá de la muyer y/o que propongan discursos dende la identidá de xéneru.

Tamién les propuestes que s'adapten a persones con diversidá funcional.

Desque valoraos tolos proyectos, la Comisión de Valoración va emitir un informe indicando qué proyectos considera "Escoyíos" y "Non Escoyíos".

#### **7.-ELLABORACIÓN DE LA CARTERA D'ACTIVIDADES**

Colos proyectos escoyíos la SPXP va ellaborar una llista que se va usar como base na programación d'actividaes especiales nos equipamientos que xestiona.

#### **8.- OBLIGACIONES DE LES ENTIDAES SELECCIONAES:**

Los proyectos escoyíos han presentar nel plazu riquíu esta documentación:

- a) Documentos qu'acreíten la personalidá del solicitante. Si'l solicitante fore persona xurídica ha acreitalo presentando la escritura de constitución o modificación, nel so casu, inscrita nel Rexistru Mercantil cuando esti requisitu seya esixible según la llexislación mercantil aplicable. Si esi requisitu nun fore esixible, la capacidá d'obrar va realizase cola escritura o documentu de constitución, estatutos o acta fundacional, onde consten les normes poles que se regula la so actividá, inscritos, nel so casu, nel correspondiente Rexistru Oficial. Pa los empresarios individuales y les persones físiques va ser obligatoria la presentación de la fotocopia llexitimada notarialmente o compulsada del DNI o documentu que, si ye'l casu, lu sustituya reglamentariamente.
- b) Documentos qu'acreíten, si ye'l casu, la representación. Los que comparezan o firmen ufiertes en nome d'otru han presentar Documentu Nacional d'Identidá y poder. Esi poder ha figurar inscitu nel Rexistru Mercantil o, si ye'l casu, nel correspondiente Rexistru Oficial. Si se trata d'un poder p'actu concretu nun ye menester la inscripción nel Rexistru Mercantil, d'alcuertu col artículu 94.5 del Reglamentu del Rexistru Mercantil.

c) Acreitación de tar al corriente d'obligaciones tributaries y cola Seguridá Social:

- Impuestu sobre Actividaes Económiques: Alta nun epígrafe rellacionáu col oxetivu de la convocatoria referida al exerciciu corriente, o últimu recibu, xunto a una declaración de que nun se dio de baxa na matrícula del impuestu mentáu, o bien certificáu de situación al respective d'esi impuestu emitíu pola Axencia Tributaria.
- Certificación positiva acreitativa de tar al corriente de les obligaciones tributaries col Estáu espedita pola Axencia Estatal de l'Alministración Tributaria.
- Certificación positiva del Ente Públicu de Servicios Tributarios del Principáu d'Asturies acreitativa de tar al corriente de les obligaciones tributaries col Principáu d'Asturies.
- Certificación positiva de tar al corriente de les obligaciones cola Seguridá Social espedita pola Tesorería Xeneral de la Seguridá Social.

**NOTA ACLARATORIA:**

**Van tar quitos de presentar l'impuestu d'actividaes económiques** aquelles persones que nun realicen actividaes empresariales, profesionales o artístiques vinculaes col oxetu d'esta convocatoria y cuando la retribución de les sos propuestas pola SPXP se tenga que considerar un rindimientu del trabayu según l'artículo 17.2 de la Llei del IRPF "En tou casu, van tener la consideración de rindimientos del trabayu:

- a) Los rindimientos derivaos d'impartir cursos, conferencies, coloquios, seminarios y asemeyaos.
- b) Los rindimientos derivaos de la elaboración d'obres lliteraries, artístiques o científiques, siempre que se ceda'l derechu a la so explotación.

Nesti supuestu la retribución va tar suxeta a una retención d'aluerdu colo estableció n'artículo 80 del Reglamentu del IRPF.

Nesti supuestu, el solicitante ha presentar una declaración responsable indicando que la renta derivada del contratu a soscribir ha considerase como rindimientu del trabayu.

Les solicitúes que, siendo propuestas pa realizar el so proyectu, nun acreíten dientro del plazu establecíu'l cumplimientu de les obligaciones riquies o nun presenten la documentación en plazu, van poder descartase.

## 9.- FORMALIZACIÓN DE LOS CONTRATOS.

N'acreditándose los requisitos de participación, van formalizase los contratos correspondientes. El plazu pa la formalización d'estos contratos va depender de la fecha de realización de l'actividá, teniendo siempre que se formalizar polo menos 7 díes enantes de la fecha en que va facer esa actividá. El trescursu d'esi plazu ensin que llegue a formalizase'l contratu por causes imputables al solicitante va provocar la caducidá de la solicitú, la perda de los derechos que pudieren corresponde-y y la exclusión del so proyectu del catálogu.

## 10.- OBLIGACIONES DE LAS ENTIDADES ESCOYÍES.

Nel casu de resultar escoyida la so propuesta, los grupos profesionales comprométense a:

- Llevar a cabu'l proyectu nes feches, hores y términos conveníos.
- Poner a disposición de la SPXP los materiales gráficos y audiovisuales al so algame pa facilitar la promoción y difusión del eventu.
- Difundir al traviés de los sos medios información sobre l'actividá (web, redes sociales, mailing, etc.) y colaborar cola SPXP na atención a los medios de comunicación nel casu de que seya menester.
- Aceptar l'usu del nome del profesional, asociación y/o empresa p'acciones promocionales o de comunicación del proyectu.
- Presentar la documentación que resulte d'aplicación según la llexislación vixente en materia de segurana llaboral y prevención de riesgos llaborales.

Va ser responsable de los daños que pola so causa pudieren derivase de la so actividá.

- Tener tolos permisos y derechos pal desenvolvimientu de l'actividá, respondiendo por cualquier incumplimientu nesti sentíu.
- Ha cumplir los requisitos de capacidá y solvencia regulaos nos artículos 84 y que siguen de la Llei 9/2017, 8 de payares, de Contratos del Sector Públicu.

## 11. - ACEPTACION DE LES BASES

La presentación d'un proyectu a esta convocatoria supón l'aceptación automática y completa d'estes bases.

**ANEXU I:**

<b>DATOS DEL PROYECTU</b>	
Nome de l'actividá	
Datos fiscales y de facturación (Nome fiscal, seños y CIF)	
Datos de contactu (nome, teléfonu, corréu electrónicu y redes sociales)	
Equipamientu pal que ta pensada	
Temática/Disciplina	
Clas d'actividá (taller, demostración, cumpleaños, campamentu, visita guiada, espectáculu, etc.)	
Sinopsis del proyectu (800 palabres)	
Llingua	
Lengua	
Espaciu preferente pa facer l'actividá (sala polivalente cubierta, sala de talleres, xardinos o cai)	
RRHH relacionaos col proyectu (Número y perfiles).	
Medios técnicos necesarios	
Públicu oxetivu adulto, familiar, xuvenil o infantil (nesti últimu casu, indicar rangu d'edá recomendáu)	
Número de places recomendáu	
l'actividá	
Presupuestu por sesión (impuestos non incluyíos)	
Observaciones	

**ANEXU II****DECLARACIÓN RESPONSABLE**

D./D<sup>a</sup>. .....con NIF n.º.....

En nome propiu

En representación de la empresa .....con NIF  
nº .....en calidá de .....

Al respective de la solicitú de participación na convocatoria pa la selección de propuestas pa la ellaboración d'un catálogu d'actividaes didáctiques y lúdiques y la so posterior programación n'equipamientos culturales y deportivos del Principáu d'Asturias **DECLARA BAXO LA SO RESPONSABILIDÁ:**

- 1.- Que tengo poder abondu pa representar a la empresa/entidá.....
- 2.- Que la escritura de constitución de la empresa/entidá a la que represento ta inscrita nel Rexistru Mercantil o cualquier otru que-y correspuenda.
- 3.- Que la empresa/entidá cumple con tolos requisitos y obligaciones esixíos pola normativa vixente pa la so apertura, instalación y funcionamientu.
- 4.- Que nin la empresa/entidá a la que represento nin los sos alministradores nin representantes tán incursos nes prohibiciones pa contratar previstes na Llei de Contratos del Sector Públicu.
- 5.- Que la empresa/entidá a la que represento ta al corriente del cumplimientu de les sos obligaciones tributaries y cola Seguridá Social impuestos poles disposiciones vixentes.
- 6.- Que tien la titularidá de los derechos d'esplotación del proyectu que presenta a la convocatoria

Y pa qu'asina conste y tenga efectos énte la Sociedá Pública de Xestión y Promoción Turística y Cultural del Principáu d'Asturies, SAU, firma esta solicitú y declaración responsable

En \_\_\_\_\_ a \_\_\_\_ de \_\_\_\_\_ del 2022

Fmao. \_\_\_\_\_

*(firma del solicitante o representante llegal)*